

"Cheese!"

Fotografias d'umans dal Grischun

Co sa preschantan umans sin fotografias? En tge posa als ha il fotograf arranschà en l'atelier? Èn las personas pli luccas en l'album da famiglia privat? E co pon umens e dunnas far ina impressiun uschè coola sco pussaivel en l'epoca da la fotografia digitala?

L'exposiziun en il museum retic mussa fotografias d'umans or da circa 150 onns. I sa tracta adina da fotografias da personas che savevan ch'ellas vegnian fotografadas (pia da fotografias pli u main inscenadas) – betg da fotografias da reportaschas ed er betg da fotografias cun pretensiuns artisticas.

Las fotografias d'umans èn suttamessas ad ina midada istorica che dependa da basegns socials e da premissas fototecnicas ed economicas. Ils umans da la Belle epoque (circa 1880 fin 1914) han autras ideas che nus davart la moda e maniera da sa preschentar sin fotografias. Ed oz ha la generaziun pli giuvna autras ideas che la generaziun pli veglia.

Durant il temp da la Belle epoque van ils umans en l'atelier per sa laschar fotografar. Il fotograf da l'atelier furnescha fotografias represchentativas. Circa a partir da l'onn 1930 cumenza la vasta derasaziun dal medium "fotografia" en il Grischun. Bleras chasadas han in apparat da fotografar; il temp da smatgar il buttun cumenza.

Ins vul fotografar svelt e spontanamain. Las fotografias duain esser ina regurdientscha da bels muments; la qualidad artistica n'è betg uschè impurtanta. En il center stat la vita da famiglia; la fotografia ha in character intim.

Dapi circa 10 onns permetta la fotografia digitala da fotografar en moda illimitada. En l'internet pon las fotografias vegnir mussadas a tut il mund. Cunzunt ils giuvenils fan diever da questa pussaivladad. Lur fotografias èn suttamessas a novas convenziuns: Dumandà è l'extraordinari ed il nunusità – gist il cuntrari da quai ch'ins vuleva durant la Belle epoque.

Cun "Cheese!" mussa il museum retic ina racolta da fotografias ch'ins vesa mo darar en museums. Questa idea originala avra puntgs da vista nunusitads e novs, e quai betg mo sin il passà.

Ils 7 d'october 2011 fin ils 18 da mars 2012

Museum retic, Hofstrasse 1, 7000 Cuira

081 257 48 40

www.raetischesmuseum.ch

Glindesdi serrà, mardi fin dumengia, las 10.00 fin las 17.00